



## Fréttir af verkefninu og staða framkvæmda

- Vinna við gerð nýrrar akstursleiðar inn á lóð
- Landspítala ásamt undirgöngum fyrir gangandi og hjólandi
- Gerð nýrra bílastæða austan við Læknagarð
- Framkvæmdir við gerð nýs hjólaskýlis
- Jarðvegsframkvæmdir við nýjan meðferðarkjarna
- Frágangur meðfram kvennadeild
- Gerð bílastæða við vesturgafl Gamlá Spítala
- Gerð undirganga undir Gömlu HringbrautAkstursleið inn á framkvæmdasvæði meðferðarkjarna frá Læknagarði

## Vinna við gerð nýrrar akstursleiðar inn á lóð Landspítala ásamt undirgöngum undir Gömlu Hringbraut. (Sjá nr. 1 á korti)



Unnið er við lokafrágang vegna opnunar á nýrri akstursleið inn á lóð Landspítala. Akstursleiðin verður staðsett þar sem Gamla Hringbrautin var upp við Snorrabraut, og verður sex akreinar þar sem hún er breiðust; tvær akreinar inn á svæðið, tvær akreinar út af svæðinu og svo tvær akreinar fyrir borgarlínu.

Verið er að byggja undirgöng fyrir gangandi og hjólandi vegfarendur undir akstursleiðina. Vinna við þau miðar vel. Steypuvinnu við undirgöngin sjálf er lokið og búið að malbika veginn yfir, en ýmis frágangsvinna er þó enn eftir. Vinna við stoðveggi á svæðinu í kring er langt á veg komin. Lagnavinnu er að mestu lokið og vinna við uppbyggingu göngustíga er hafin.

Snjóbræðsla verður í undirgöngunum og á göngustígum í kring.

Vakin er athygli á því að gönguleið er frá Læknagarði og upp á Bústaðaveg og þar meðfram til að komast að geðdeild. Ekki er opin gönguleið í gegnum framkvæmdasvæðið. Þessar framkvæmdir munu standa yfir fram í nóvember.

## Gerð nýrra bílastæða við Eirberg fyrir sjúklinga (Sjá nr. 2 á korti)



Unnið verður að gerð nýrra bílastæða við Eirberg með haustinu sem ætluð verða sjúklingum. Vinna við hönnun stæðanna stendur yfir.

## Unnið að gerð nýrra bílastæða austan við Læknagarð (sjá nr. 3 á korti)



Um er að ræða malarstæði með um 70 stæðum sem verða ekki með gjaldskyldu fyrir starfsmenn og nemendur. Búið er að móta og þjappa svæðið í rétta hæð. Verið er að vinna í færslu á framkvæmdagirðingu og uppskiptingu bílastæðis áður en að þau verða tekin í notkun.

Athygli er vakin á því að yfirleitt eru laus bílastæði á suðursvæði Landspítalans meðfram Hringbrautinni.


## Framkvæmdir við gerð nýs hjólaskýlis (Sjá nr. 4 á korti)



Framkvæmdir eru hafnar við gerð nýs hjólaskýlis við vesturenda bílastæðis við eldhús- og rannsóknastofubýggingu Landspítala. Hjólaskýlið verður með tveggja hæða hjólarekkum og mun rúma allt að 64 hjól.

Að auki verður settur upp hjólavíðgerðarstandur í skýlinu fyrir smærri hjólavíðgerðir. Stefnt er að opnun hjólaskýlis á næstu vikum.

## Jarðvegsframkvæmdir við nýjan meðferðarkjarna. (Sjá nr. 5 á korti)



Jarðvegsvinna við uppgröft nýs meðferðarkjarna heldur áfram og gengur vel. Framkvæmdasvæði meðferðarkjarnans er nú komið í fulla stærð og unnið er að bergstyrkingum á vestari hluta kjarnans. Öll óviðkomandi umferð um framkvæmdasvæðið er bönnuð og svæðið vaktað til að auka öryggi vegfarenda.

## Frágangur meðfram kvennadeild. (Sjá nr. 6 á korti)



Frágangur er á lokastigi, uppsteypu og fylling tengigangs er lokið ásamt því að yfirborðsfrágangur milli akbrautar og kvennadeildarhúsi er á lokametrunum. Þar verður snjóbræddur, hellulagður göngustígur. Eftir er að mála viðgerðir á veggjum kvennadeilda og að fylla upp í og gróðursetja í gróðurbeð.

## Bílastæði við vesturgafl Gamla Spítala (Sjá nr. 7 á korti)



09/10/2019 10:57:10 GMT

Unnið er að gerð nýrra bílastæða við vesturgafl Gamla Spítala. Verið er vinna við fyllingar undir bílastæðin og í framhaldinu hefst svo uppbygging á grjóthleðslum ásamt öðrum frágangi.

## Gæta skal varúðar við akstur í námunda við vinnusvæði meðferðarkjarnans. (Sjá nr. 8 á korti)



27/08/2019 17:19:54 GMT

Allur akstur vinnutækja inn á vinnusvæði meðferðarkjarnans er nú frá götu út frá Læknagarði. Búið er að merkja gönguleiðir og göngubrautir yfir götuna fyrir gangandi vegfarendur en ökumönnum er bent á að sýna aðgát við akstur á svæðinu.



27/08/19 10:55:54 AM GMT

Athygli er einnig vakin á því að allur akstur frá Vatnsmýrarvegi, við jaðar framkvæmdasvæðis, upp á Gömlu Hringbraut er bannaður nema akstur strætisvagna.

# Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



## Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjöldum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson verkefnastjóri NLSH, 841 7050 eða netfangið [asbjorn@nlsh.is](mailto:asbjorn@nlsh.is)  
Aðrar almennar upplýsingar veitir Magnús Heimisson samskiptastjóri NLSH, 866 1378 eða [magnus@nlsh.is](mailto:magnus@nlsh.is).

Sértækar upplýsingar veitir af hálfu Landspítala Stefán Hrafn Hagalín 897 3644 [stefanh@landspitali.is](mailto:stefanh@landspitali.is) og frá Háskóla Íslands Björn Gíslason 896 0876 [bgisla@hi.is](mailto:bgisla@hi.is)